

# SCRIPTA

---

**Numéro Scripta :** 4855

**Auteur(s) :** Rouen (official)

**Bénéficiaire(s) :** Jean l'Écrivain [clerc]

**Genre d'acte :** vidimus

**Authenticité :** non suspect

**Datation :** 1235, novembre

**Action juridique :** confirmation

**Langue du texte :** latin

## Analyse

Vidimus par l'official de Rouen d'une charte par laquelle Guillaume dit le Clerc, croisé, et Auffride la Potière, sa femme, reconnaissent la vente qu'ils ont faite à Jean l'Écrivain, fils de ladite Auffride, d'un tènement à Rouen.

## Tableau de la tradition

### Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CLXXIX, p. 183.

Texte établi d'après a

Omnibus hec visuris, officialis Rothomagensis, salutem in Domino. Noveritis nos, anno Domini millesimo ducentesimo quinquagesimo, die veneris post Trinitatem, quandam cartam sigillo curie nostre sigillatam vidisse et diligenter inspexisse in hec verba :

Omnibus Christi fidelibus ad quos presens scriptum pervenerit, officialis Rothomagensis, salutem in Domino. Noveritis quod constituti in jure coram nobis Guillelmus dictus Clericus, cruce signatus, nepos quondam Andree Clerici, defuncti, et Auffride La Potiere, uxoris ejus, recognoverunt se dedisse et concessisse et omnino reliquisse Johanni Scriptori, clerico, filio dicte Auffride, pro servicio suo et pro triginta libris turonensium, de quibus tenuerunt se pro pagatis coram nobis, renunciantes exceptioni pecunie non numerate, quoddam tenementum ligneum et lapideum, quod dicebant se habere in Mala Palude apud Rothomagum, inter terram Aelicie, uxoris Gilleberti Mordret, et terram que fuit magistri Maugeri, sicuti se proportat a vico ante usque ad gardignum heredum Matildis de Mara ; eidem Johanni et ejus heredibus, habendum pacifice, et perpetuo possidendum, et ad faciendum exinde, salvo jure dominico, suam penitus voluntatem. Juravit insuper dictus Clericus Guillelmus, nepos dicti Andree Clerici, tactis sacrosanctis ewangelis, spontanea voluntate..... in dicto tenemento, ratione hereditatis, elemosine, vel aliqua alia ratione sibi modo competenti, per se vel per alium, nichil de cetero reclamabit. In cujus rei testimonium, sigillum curie Rothomagensis, ad instanciam parcium, presenti scripto duximus apponendum.

Actum anno Domini M° CC° tricesimo quinto, mense novembris, die jovis post festum Sancti Martini hyemalis.

Hoc autem quod vidimus testamur, salvo jure cujuslibet.

Datum dictis die et anno. Valete.